

07.01.2021.

Projekat Evropske unije EU4AGRI objavio je danas javni poziv vrijedan 3,5 miliona KM za podršku investicijama u primarnu poljoprivrednu proizvodnju u BiH s ciljem postizanja održive poljoprivrede, kontrolisane upotrebe prirodnih resursa i uvođenja dobrih praksi, te stvaranja novih i očuvanja postojećih radnih mjesta. Ovaj javni poziv je treći po redu objavljen kroz projekat EU4AGRI kako bi se podržao ruralni razvoj, pogotovo u periodu trajanja COVID-19 pandemije i oporavka od krize prouzrokovane njom.

Na javni poziv se mogu prijaviti fizička lica, obrti/preduzetnici, zadruga i preduzeća koja se aktivno bave primarnom poljoprivrednom proizvodnjom u sektorima: proizvodnja mlijeka; proizvodnja mesa; uzgoj žitarica i uljarica; uzgoj voća uključujući vinogradarstvo i masline; uzgoj povrća (povrtlarstvo) i proizvodnja jaja. Podnosioci mogu da podnesu prijave isključivo samostalno.

Ukupno raspoloživa sredstva po ovom javnom pozivu iznose do 3,5 miliona KM. Svaki podnosilac prijave može aplicirati za bespovratna sredstva u iznosu **od 30.000 KM do 200.000 KM (bez PDV-a)**

. Za svaku investiciju podnosilac prijave mora osigurati vlastito sufinansiranje u iznosu od **minimalno 35%**

od ukupnog iznosa investicije, izuzev za sektor proizvodnje voća i povrća gdje vlastito sufinansiranje iznosi **minimalno 20%**.

Krajnji rok za podnošenje prijava je 15. februar 2021. godine do 15.00 sati.

Preuzmite dokumentaciju za prijavu na javni poziv:

Sve informacije o kriterijima javnog poziva, načinu popunjavanja i dostave prijave se nalaze u dokumentu [Smjernice za podnosioc prijave](#) .

Prilog 1- Prijavni Obrazac

Prilog 2 Jednostavni poslovni plan – Opisni dio

Prilog 2 Složeni poslovni plan – Opisni dio

Prilog 2a – Jednostavni poslovni plan za mjeru podrške investicijama u poljoprivredna gazdinstva (primarna proizvodnja)

Prilog 2a – Složeni poslovni plan za mjeru podrške investicijama u poljoprivredna gazdinstva (primarna proizvodnja)

Prilog 3 Pismo namjere za sufinansiranje projekta (primjer)

Prilog 4 – Lista za provjeru dostavljene dokumentacije

Prva info sesija u vezi ovog javnog poziva održana je online putem [Facebook stranice projekta EU4AGRI](#) u utorak, 22. decembra 2020. godine s početkom u 11.00. Snimak je dostupan na stranici.

Druga info sesija u vezi ovog javnog poziva bit će održana online putem [Facebook stranice projekta EU4AGRI](#) u četvrtak, 14. januara 2021. godine s početkom u 14.00.

Ukoliko imate poteškoća sa preuzimanjem ili otvaranjem dokumenata/obrazaca, kao i za sva dodatna pitanja u vezi ovog poziva, možete nas kontaktirati putem elektronske pošte, sa jasno naznačenim imenom poziva u predmetu poruke, i to na sljedeću e-mail adresu: registry.ba@undp.org

[Odgovore na pitanja postavljena putem email adrese \[registry.ba@undp.org\]\(mailto:registry.ba@undp.org\)](mailto:registry.ba@undp.org) možete naći ovdje.

Okvirnu listu svih javnih poziva projekta EU4AGRI možete preuzeti [ovdje](#).

EU4AGRI je četverogodišnji (2020-2024) projekat Evropske unije vrijedan 20.25 miliona eura čiji je cilj modernizacija poljoprivredno-prehrambenog sektora u Bosni i Hercegovini. Projekat provode i sufinansiraju Razvojni program Ujedinjenih nacija (UNDP) u BiH i Češka razvojna agencija (CzDA).